

¡BOMBA!

Que ya llegó el calorón,
que habrá energía a futuro,
pero lo único seguro
es que nos toca apagón



K'intsil

Martes 6 de mayo de 2025

CAMPECHE · YUCATÁN · QUINTANA ROO · AÑO 10 · NÚMERO 2470 · www.lajornadamaya.mx

Papa Franciscoe' tu síiaj papamóvil ti'al u béeytal u k'a'abéetkunsal beey kúuchil ti'al u ts'a'akal paalal Gaza



Ma'ili' kiimike', papa Franciscoe' tu síiaj jump'eel papamóvil ti'al u béeytal u k'a'abéetkunsal beey unidad médica ti'al u ts'aatáanta'al u paalilo'ob Gaza, beey jts'a'ab k'ajóoltbil le lunes máanika'.

Beyxan jts'a'ab k'ajóoltbil u yoochel le papamóvil ba'ale' ma' ojéela'an ba'ax k'iin kéen béeyak u k'a'abéetkunsal. U si'ibile' jts'a'ab k'ajóoltbil le k'iin éejenta'ab tumen Israel yaan u jets'ik u muuk' yóok'ol Franja de Gaza, yéetel yaan

p'aatalo'ob ti' palestina' lu'um ma' ojéela'an beyka'aj k'iino'obi'.

"Kéen ka' je'ebek corredor humanitario tu lu'umil Gazae' leti' kéen p'atak tu beel ti'al u séeb ts'aatáanta'al paalalo'ob te'elo'", j-a'alab ti' k'a'aytajil ts'iib beeta'ab tumen Caritas Jerusalén.

Papamóvilé' yaan u jelbesa'al ti'al u ts'a'abal ichil u nu'ukulil u beeta'al diagnóstico, examen yéetel tratamiento. Caritase' tu ya'alaje' yaan xan u ts'a'abal u

equiposil prueba, sutura, jeringasa yéetel púuts'o'ob, beyxan ti'al u ts'a'abal oxígeno, vacunas yéetel jump'eel refrigerador.

"Coche jts'a'abe' u chiikual yaabilaj, kanan kuxtal yéetel éet yantal j-e'sa'ab tumen Santidad ti'al u yutsil máaxo'ob talam yaniko'ob", beey a'alab tumen Anton Asfar, máax beetik u secretario general Caritas Jerusalén.

Tu k'iinilo'ob táan ba'ateltáambal ichil Israel yéetel

Gazae', Franciscoe' t'aanaj yóok'olal le k'aak'as ba'alo'ob ku beeta'al tumen u ejércitoil Israel, ka'alikil tu k'aataj xan ka su'utuk máaxo'ob macha'abo'ob tumen Hamás tu k'iinil 7 ti' octubre. Le ja'ab máaniko', tu k'aataj ka xak'alta'al wa u ba'ateliil Israele' najmal u beetik u seten kiinsa'al máak, wa jump'eel ba'al ma' táan u éejenta'al tumen Israel.

Franciscoe' jk'ím le 21 ti' abril máaniko'. 88 u ja'abil ka'achij.